

四庫全書

經部

# 欽定四庫全書

經部

五禮通考卷一百二十六

詳校官太常寺少卿臣陳桂林

給事中臣溫常綬覆勘

總校官進士臣繆璘

校對官中書臣嵇承志

謄錄監生臣金均

欽定四庫全書

五禮通考卷一百一十六

刑部尚書秦蕙田撰

吉禮一百一十六

親桑享先蠶

蕙田案周禮內宰仲春詔后帥外內命婦蠶於北郊以為祭服此與天子親耕南郊以供粢盛同義祭統云天子諸侯非莫耕也王后

夫人非莫蠶也身致其誠信誠信之謂盡敬  
敬盡然後可以事神明此之為言得禮意矣  
其儀詳於月令祭義其享先蠶經亦不見杜  
氏通典馬氏通考皆云即躬桑之日其說當  
是自漢以後時舉時罷今採可考者類次焉

禮記月令季春之月天子乃薦鞠衣於先帝

注鞠衣黃桑之服先

帝太皞之屬為將蠶求福祥之助也

疏依禮祭五帝

自服大裘今薦鞠衣色如鞠塵象桑葉始生鞠者草名

花色黃與桑同色又當桑生之時故鄭云黃桑之服蓋薦於神坐為蠶求福也知先帝太皞之屬者以其言先

不言上故知非天蠶功既大總祭  
五方之帝於明堂故鄭云之屬

陳氏祥道曰將耕也祈穀於上帝所以祈有秋將蠶  
也薦鞠衣於先帝所以祈有春鞠衣后服也其色象  
鞠鞠之華以陰中其色則陰盛色也后蠶服此則率  
內外命婦而蠶使天下之嬪婦取中焉后之盛事也  
薦鞠衣於先帝則是薦之於神所以告將服  
之以蠶也蓋王與后常相資以成禮者也

又曰天子薦鞠衣於先帝以告將蠶內宰詔后帥內  
外命婦以趨蠶事而后之首飾以編服以鞠衣履以  
黃屨車以翟車車貝面組總有握及郊享先蠶然後東  
鄉而躬桑焉躬桑后夫人之事耳天子必薦鞠衣君  
必皮弁素積卜三宫夫人世婦  
使入蠶室者內外相成之義也

欽定義疏黃帝之妃西陵氏始蠶後世祀為先蠶或天

子先告黃帝而後乃祀西陵與

路史黃帝有熊氏命西陵氏勸蠶稼月大火而浴種  
夫人副禕而躬桑

通鑑外記西陵氏之女嫫祖為帝元妃始教民育蠶  
治絲繭以供衣服後世祀為先蠶

唐月令三月之節天子乃薦鞠衣於先帝三月中氣  
后妃齋戒享先蠶而躬桑以勸蠶事

通典后妃齋戒享先蠶而躬桑以勸蠶事

注李春吉  
已王后享

先蠶先蠶天<sub>四</sub>也享先蠶  
而後躬桑示帥天下先也

陳氏禮書先蠶壇呂氏月令言薦鞠衣於先帝不言  
享先蠶唐月令言薦鞠衣於先帝又言享先蠶考之  
於古食必祭先倉竈必祭先炊視學祭先聖先師養  
老祭先老射祭侯師祭禡則將蠶而享先蠶蓋禮然  
也漢儀以中牢羊豕祭蠶神曰苑窳婦人寓氏公主  
凡二神晉武時先蠶壇在皇后採桑壇東南北齊為  
蠶壇每歲季春穀雨後吉日使公卿以一太牢祠先

蠶黃帝氏於壇上無配如祀先農禮訖皇后乃躬桑  
後周皇后至蠶所以一少牢親進祭奠先蠶西陵氏  
神二嬪為亞獻終獻隋制先蠶壇於宮北三里為壇  
季春上巳皇后服鞠衣以太牢制幣祭先蠶用一獻  
之禮唐制亦皇后上巳享先蠶遂以親桑李林父釋  
月令曰先蠶天駟也先蠶之神或以為苑窳婦人寓  
氏公主或以為黃帝或以為西陵氏或以為天駟歷  
代儒者議論不一然則蠶其首馬首其性喜溫惡濕



其浴火月而再養則傷馬此固與馬同出於天駟矣  
然天駟可謂蠶祖而非先蠶者也蠶婦人之事非黃  
帝也史記黃帝娶西陵氏而西陵氏始蠶於志無見  
漢祀苑窳婦人寓氏公主二人此或有所傳然也其  
壇或在桑壇東南或在桑壇之西其祭或少牢或太  
牢或一獻或三獻歷代之所尚異也然禮必皇后親  
享北齊使公卿祠之非古也

蕙田案聖王祀典凡有利於民者必報之故

飲食必祭原其始也凡先聖先師先農先老  
先醫先牧先炊先倉皆始為之者之神蓋理  
與事之所必有而不必實指其為誰何也先  
蠶之名舊說為天駟為黃帝為西陵氏為苑  
窳婦人寓氏公主夫既為始蠶之人則非天  
駟顯然而西陵氏已下則亦無明據也祀先  
蠶禮自漢以後具有之陳氏考之特詳但其  
正義則經無明文耳惟月令鞠衣之薦為近

於祀事今取通典及禮書說附於經文之下  
從其類也至先蠶之神似當與祭諸先同例  
而不必求其人以實之與俟議禮者質焉

右饗先蠶

周禮天官內宰中春詔后帥外內命婦始蠶於北郊

注

於北郊婦人以純陰為尊

鄭氏鶚曰中春者可蠶之候也說者謂月令季春之月鳴鳩拂其羽戴勝降於桑后妃齋戒親東鄉躬桑而先儒於祭義大昕之注亦以為季春朔日今此仲春詔后何也然以七月之詩考之春日載陽有鳴倉

庚女執懿筐爰求柔桑謂仲春也倉庚以仲春鳴記禮者乃言季春豈季春者蠶事之始歟謂之始蠶意可知矣

禮記祭義古者天子諸侯必有公桑蠶室近川而為之

築宮仞有三尺棘牆而外閉之

疏公桑蠶室者謂官家之桑於處而築養蠶之

室近川取其浴蠶種便也築宮謂築養蠶宮牆七尺曰仞言牆之七尺又有三尺高一丈也棘牆者謂牆上置棘外閉謂扇在戶外閉也

陳氏禮書天子諸侯之禮文而有辨故耕於南郊東郊王后夫人之禮質而少變故皆蠶於北郊公桑蠶室近川為之以其便於浴蠶也築宮仞有三尺棘牆而外閉之所以謹於蠶者也

方氏慤曰公桑猶公田也以其別於私故謂之公築  
宮謂築宮牆也前曰蠶室此曰築宮者蠶居於內故  
曰室牆圍於外故曰宮也仞者度土高深之用考工  
記曰人長八尺登下以為節故八尺為仞也牆高於  
人長之外又有三尺所以防窺伺也又置棘所以防  
踰越也閤人自外閉其門以親蠶者皆婦人故也  
陸氏仙曰棘牆而外閉之者不再為防也故曰外戶  
而不閉禦風氣而已若棘亦以為暖今養華用棘

### 蕙田案以上公桑蠶室

月令季春之月命野虞毋伐桑柘鳴鳩拂其羽戴勝降

於桑具曲植籛筐

注毋伐桑柘愛蠶食也野虞謂主田及山林之官鳴鳩飛且翼相擊趨農

急也戴勝織紵之鳥是時恒在桑皆蠶將生之候也言降於桑者若時始自天來重之也曲薄也值槌也皆養

蠶器也 疏曲植 蘧筐案方言云宋魏陳楚江淮之間  
謂之曲自關而西謂之薄故云曲薄方言注槌縣蠶薄  
柱也宋魏陳楚江淮之間  
謂之植自關而西謂之槌

方氏蘧曰以致曲而織故曰曲以取直而立故曰  
植蘧則席之粗者筐則筥之方者凡此皆蠶具

蕙田案此條具蠶器

祭義及大昕之朝君皮弁素積卜三宮之夫人世婦之  
吉者使入蠶於蠶室奉種浴於川桑於公桑風戾以食

之

注大昕李春朔日之朝也諸侯夫人三宮半王后也  
風戾之者及早涼脆采之風戾之使靈氣燥乃以食

蠶蠶性惡濕也

疏世婦亦諸侯世婦前雖總舉天子

諸侯此特舉諸侯互言之奉種浴於川言蠶將生而又

浴之初於仲春已  
浴至此更浴之也

陸氏佃曰鄭氏謂大昕季春朔日之朝然則餘日為  
昕朔日然後謂之大昕言大以有小文王世子大昕  
鼓徵視學蓋亦朔日  
不然朝愈益早矣

### 蕙田案此條浴蠶

月令季春之月后妃齊戒親東鄉躬桑

注后妃先採桑  
示帥先天下也

東鄉者鄉時氣也是明其不常留  
養蠶也留養者所卜夫人與世婦

禁婦女毋觀省婦使

以勸蠶事

注毋觀去容飾也婦  
使縫線組紉之事

周禮夏官馬質禁原蠶者

注原再也天文辰為馬蠶書  
蠶為龍精月直大火則浴其

種是蠶與馬同氣物莫能兩大禁再蠶者為傷馬與  
疏辰則大火房為天駟故云辰為馬月值大火謂二月  
則浴其種則內宰云仲春詔后帥外內命婦治蠶於北  
郊是也若然祭義云大昕之朝奉種浴於川注云大昕  
季春朔日之朝是建辰之月又浴之者蓋蠶將生重浴  
之故彼下文即云桑於公桑之事是也云是蠶與馬同  
氣者以其俱取大火是同氣也云禁再蠶者為傷馬與  
者二者既同氣不可兩大而禁再蠶明恐傷馬無正文  
故云與以  
疑之也

李氏嘉會曰今東南如充揚衣被天下蠶盛而  
無馬西北苦寒之地有馬而無蠶蓋可知矣

蔥田案以上躬桑禁戒

禮記祭義歲既單矣世婦卒蠶奉繭以示於君遂獻繭



於夫人夫人曰此所以為君服與遂副禕而受之因少

牢以禮之古之獻繭者其率用此與

注歲單謂三月月盡之後也言歲者

蠶歲之大功事畢於此也副禕王后之服而云夫人容二王之後歟禮之禮奉繭之世婦也其率用此與問者之辭也

方氏慤曰自去歲蠶成之後迄今歲蠶成期一歲矣故謂之歲單若孟夏稱麥秋亦此意蠶歲既單故繼言世婦卒蠶也繭則示於君而獻於夫人者示則告其成而已獻則欲其受之以繅也禮之以少牢則所以勞其還也

月令蠶事既登分繭稱絲效功以共郊廟之服母有敢

情

注登成也救往蠶者蠶畢將課功以勸戒之

方氏慙曰蠶事既登者事畢而登比年之數也與曲禮年穀不登之登同義分繭所以使之縲稱絲所以使之織效其功之多少以共郊廟之服無有敢惰敬之至也

孟夏之月蠶事畢后妃獻繭乃收繭稅以桑為均貴賤

長幼如一以給郊廟之服

注后妃獻繭者內命婦獻繭於后妃收繭稅者收於外命

婦外命婦雖就公桑蠶室而蠶其夫亦當有祭服以助祭收以近郊之稅耳貴賤長幼如一國服同疏后妃獻繭者謂后妃受內命婦之獻繭知非后妃獻繭於王者祭義曰世婦卒蠶奉繭以示於君遂以獻於夫人是夫人不獻繭也內命婦既以獻繭乃收外命婦之賦稅外命婦雖受公桑蠶室而蠶既是官家之桑繭應全入於

已所以有稅者以其夫亦當有祭服官家所給故輸繭  
稅以供造之但稅寡少載師云近郊十一公桑在國比  
近郊故知收以近郊之稅也以桑為均者言收稅之時  
以受桑多少為賦之均齊桑多則賦多桑少則賦少  
胡氏銓曰鄭謂后妃受內命婦獻繭非也據經云后  
妃獻繭則獻於王矣鄭以祭義云世婦奉繭以示於  
君遂以獻夫人是夫人不獻故云后亦不獻按天子  
尊於后妃若諸侯與夫人體敵也不可以為比又祭  
義云世婦獻繭於君則夫人不可獻也此不云世婦  
獻繭於天子則后妃自獻無疑也鄭又謂收外命婦  
繭稅案內宰職后妃帥外內命婦  
蠶則繭稅亦內外均何必外命婦

祭義及良日夫人繅三盆手遂布於三宮夫人世婦之

吉者使繅

注三盆手者三淹也凡繅每淹大總而手振之以出緒也疏良日謂吉日宜繅之日明

纁更擇日日至而後夫人自纁每淹以手振出其緒故曰三盆手夫人親纁三盆以手振出其緒訖遂布與三宮夫人世婦之吉者既據諸侯則夫人惟一人而云世婦之吉者雖互天子言之以天子有三夫人就其中取吉者若諸侯惟世婦之吉者蠶纁非一人擇其吉者主領而已

蕙田案以上獻繭纁絲

月令季夏之月命婦官染采黼黻文章必以法故無或差貸黑黃蒼赤莫不質良毋敢詐偽

祭義遂朱綠之元黃之以為黼黻文章服既成君服以祀先王先公敬之至也

陳氏禮書繅必三盆手者禮成於三也三盆手猶王  
藉之三推也然後布於三夫人世婦之吉者使繅遂  
朱綠之元黃之以為祭  
服猶庶人之終畝也

蕙田案以上染采作服

右親蠶之禮

漢書文帝本紀十三年詔曰皇后親桑以奉祭服其具  
禮儀

景帝本紀二年詔曰后親桑以奉宗廟祭服為天下先

元后傳孝元王皇后為太后春幸繭館

師古曰上林苑有繭館蓋蠶繭

之所率皇后列侯夫人桑也

後漢書禮儀志注漢舊儀曰春桑生而皇后親桑於苑中蠶室養蠶千薄以上祀以中牢羊豕祭蠶神曰苑窳婦人寓氏公主凡二神羣臣妾從桑還獻於繭館皆賜從桑者絲皇后自行凡蠶絲絮織室以作祭服祭服者冕服也天地宗廟羣臣五時之服其皇帝得以作縷縫衣得以作中絮而已置蠶官令丞諸天下官皆詣蠶室亦婦人從事故舊有東西織室作法

通典漢皇后蠶於東郊

蕙田案史家稱周禮蠶於北郊漢則東郊非古也魏依周制用北郊為是晉則西郊蓋止取與東郊藉田相對俱非古義

後漢書禮儀志明帝永平二年三月皇后帥公卿諸侯夫人蠶祀先蠶禮以少牢

注丁孚漢儀曰皇后出乘鸞輅青羽蓋駕駟馬龍旗九旂大將軍妻參乘太僕妻御前鸞旗車皮軒闔戟

雒陽令奉引亦千乘萬騎車府令設鹵簿駕公卿五  
營校尉司隸校尉河南尹妻皆乘其官車帶夫本官  
綬從其官屬導從皇后置虎賁羽林騎戎頭黃門鼓  
吹五帝車女騎夾轂執法御史在前後亦有金鉦黃  
鉞五將導桑於蠶宮手三盆於繭館畢還宮案谷永  
對稱四月壬子皇后蠶桑之日也則漢桑亦用四月  
東觀漢記曰明德馬皇后置織室蠶室於濯龍中數  
往來觀視



晉書禮志周禮王后帥内外命婦享先蠶於北郊漢儀  
皇后親蠶東郊苑中蠶室祭蠶神曰菀窳婦人寓氏公  
主祠用少牢魏文帝黃初七年正月命中宮蠶於北郊  
依周典也

魏韋誕皇后親蠶頌於時明庶扇物鳥帑昏正躬耕  
帝藉邁德班令嘉柔桑之肇敷思郊廟之至敬命皇  
后以親蠶俾躬桑於郊垆考時日於巫咸詔太卜以  
獻禎御坤德之大輅翳翠葆以揚旌爾乃皇英參乘

塗山奉輿總姜任於後陳載樊衛於貳車千乘隱其  
雷動萬騎粲以星敷啟前路於三官命蚩尤而清衢  
遊青蚪於左角步素螭於右隅登崇壇而正位覲休  
氣於朝陽步雕輦而下降手桑條於公桑嬪妾肅以  
莅事職蠶植而承筐供副禕之六服昭孝敬於蒸嘗  
盛華禮於中宇神化馳於八方乃延羣妾宴賜於前  
降至貴以逮下布愷悌之渥恩禮儀備序巾車回轅  
班中黃之禁財散束帛之戔戔神澤沛以雨施洪恩

布於撫原同碩慶於生民發三靈之永歡苞繁祐於  
萬國卷福釐以言旋美休祚於億載豈百世之曾元  
隋書禮儀志魏遵周禮蠶於北郊吳韋昭制西蠶頌則  
孫氏亦有其禮矣

晉書禮志武帝太康六年散騎常侍華嶠奏先王之制  
天子諸侯親耕藉田千畝后夫人躬蠶桑宮今陛下以  
聖明至仁修先王之緒皇后體資生之德合配乾之義  
而坤道未光蠶禮尚缺以為宜依古式備斯盛典詔曰

昔天子親藉以供粢盛后夫人躬蠶以備祭服所以聿遵孝敬明教示訓也今藉田有制而蠶禮不修由中間務多未暇崇備今天下無事宜修禮以示四海其詳依古典及近代故事以參今宜明年施行於是蠶於西郊蓋與藉田對其方也乃使侍中成粲草定其儀先蠶壇高一丈方二丈為四出陛陛廣五尺在皇后採桑壇東南帷宮外門之外而東南去帷宮十丈在蠶室西南桑林在其東取列侯妻六人為蠶母蠶將生擇吉日皇后

著十二筭步搖依漢魏故事衣青衣乘油畫雲母安車

駕六駟

音貴

馬女尚書著貂蟬佩璽陪乘載筐鉤公主三

夫人九嬪世婦諸太妃太夫人及縣鄉君郡公侯特進

夫人外世婦命婦皆步搖衣青各載筐鉤從蠶先桑二

日蠶宮生蠶著簿上躬桑日皇后未到太祝令質明以

一太牢告祠謁者一人監祠祠畢徹饌頒餘胙於從桑

及奉祠者皇后至西郊升壇公主以下陪列壇東皇后

東面躬桑採三條諸妃公主各採五條縣鄉君以下各

採九條悉以桑授蠶母還蠶室事訖皇后還便座公主  
以下乃就位設享宴賜絹各有差

隋書禮儀志晉太康六年武帝楊皇后躬桑於西郊祀  
先蠶

宋書孝武帝本紀大明三年冬十月丁酉詔曰古者薦  
鞠青壇聿祈多慶分繭元郊以供純服來歲可使六宮  
妃嬪修親桑之禮

四年三月甲申皇后親桑於西郊

禮志先蠶壇高一丈方二丈為四出陛陛廣五尺在採桑壇東南帷宮之外去帷宮十丈皇后未到太祝令質明以一太牢告祀謁者一人監祀祀畢徹饌班餘胙於從桑及奉祀者

周禮王后帥外內命婦蠶於北郊漢則東郊非古也魏則北郊依周禮也晉則西郊宜是與藉田對其方也魏文帝黃初七年正月命中宮蠶於北郊案韋誕后蠶頌則於時漢德已亡更考撰其儀也及至晉氏

先蠶多采魏法宋孝武大明四年又修此禮

隋書禮義志宋孝武大明四年始於臺城西白石里為

蠶所設兆域置大殿七間又立蠶觀

其禮皆循晉氏

宋書孝武文穆王皇后傳大明四年后率六宮躬桑於

西郊皇太后觀禮上下詔曰朕卜祥大昕測辰拂羽爰

詔六宮親蠶川室皇太后降鑾從御佇蹕觀禮綠遽既

具元統方修庶儀發椒闈花動中縣妃主以下可量加

班賜



隋書禮儀志北齊為蠶坊於京城北之西去皇宮十八里之外方千步蠶官方九十步牆高一丈五尺被以棘其中起蠶室二十七口別殿一區置蠶宮令丞皆宦者為之路西置皇后蠶壇高四尺方二丈四出陛陛廣八尺置先蠶壇於桑壇東南大路東橫路之南壇高五尺方二丈四出陛陛各五尺外北方四十步面開一門有綠襜褕褱衣黃履以供蠶母每歲季春穀雨後吉日使公卿以一太牢祠先蠶黃帝軒轅氏於壇上無配如祀

先農禮訖皇后因親桑於桑壇備法駕服鞠衣乘重翟  
帥六宮升桑壇東陞即御座女尚書執筐女主衣執鉤  
立壇下皇后降自東陞執筐者處右執鉤者居左蠶母  
在後乃躬桑三條訖升壇即御座內命婦以次就桑服  
鞠衣者採五條展衣七條祿衣九條以授蠶母還蠶室  
切之授世婦灑一簿領預桑者並復本位后乃降壇還  
便殿設勞酒頒賚而還

後周制皇后乘翠輅率三妃三女

音弋婦  
官名

御媛御婉三

公夫人三孤內子至蠶所以一太牢親進祭奠先蠶西陵氏神禮畢降壇昭化嬪亞獻淑嬪終獻因以躬桑

蕙田案隋書周祭先蠶以一太牢與隋制同  
通典通志通考俱作少牢恐相沿之訛

隋制先蠶壇於宮北三里為壇高四尺季春上巳皇后服鞠衣乘重翟率三夫人九嬪內外命婦以一太牢制幣祭先蠶於壇上用一獻禮祭訖就桑位於壇南東面尚功進金鉤典制奉筐皇后採三條反鉤命婦各依班

採五條九條而止世婦以授蠶母受切桑灑訖還依位

皇后乃還宮

自齊及周隋其典法多依晉儀亦時有損益

唐書太宗本紀貞觀元年三月癸巳皇后親蠶

文獻通考唐先蠶壇在長安宮北苑中高四尺周廻三十步

太宗貞觀九年三月文德皇后率内外命婦有事於先

蠶

唐會要高宗永徽三年三月七日制以先蠶為中祀后

不祭則皇帝遣有司享之如先農

文獻通考有司言案周官宗伯后不祭則攝而薦豆  
籩徹明王后之事而宗伯得攝行之伏以農桑乃衣  
食萬人不宜獨闕先蠶之祀無已則皇后遣有司享  
之如先農可也

唐書高宗本紀顯慶元年三月辛巳皇后親蠶

總章二年三月癸巳皇后親蠶

咸亨五年三月皇后親蠶

上元元年三月己巳皇后親蠶

二年三月丁巳天后親蠶

元宗本紀開元元年正月辛巳皇后親蠶

文獻通考自嗣聖以來廢闕此禮至是始重行焉

肅宗本紀乾元二年三月己巳皇后親蠶

唐書張皇后傳后親蠶苑中儀物甚盛

通典顯慶元年皇后武氏先天二年皇后王氏乾元二

年皇后張氏並有事於先蠶其儀備開元禮

開元禮皇后季春吉巳享先蠶儀

攝事附

齋戒先祀五日散齋三日於後殿致齋二日於正殿前  
致齋一日尚寢設御幄於正殿西序及室中俱東向致  
齋之日晝漏上水一刻尚儀版奏請中嚴尚服帥司仗  
布侍衛司賓引內命婦陪位並如式六尚以下各服其  
服詣後殿奉迎尚儀版奏外辦上水三刻皇后服鈿釵  
禮衣結珮乘輿出自西房華蓋警蹕侍衛如常儀皇后  
即御座東向坐六尚以下侍衛如常一刻頃尚儀前跪

奏稱尚儀妾姓言請降就齋室興退復位皇后降座乘

輿入室六尚以下各還寢直衛者如常司賓引陪位者

退散齋之日內侍帥內命婦之吉者使蠶於蠶室

攝事無以

上儀凡應享之官散齋三日於其寢致齋二日一日於其

寢一日於享所

亞獻終獻則致齋二日皆於其所

六尚以下應從升者

及從享內外命婦各於其寢清齋一宿諸應享之官致

齋之日給酒食及明衣各習禮於齋所光祿卿監取明

水火

大官令取水於陰鑑取火於陽燧火以供爨水以實罇

前享一日諸衛令其



屬未後一刻各以其器服守衛壝門

每門二人每隅一人享日未明給使

代執與女工人等俱清齋一宿攝事同

陳設前享三日尚舍直長施大次於外壝東門之內道  
北南向尚舍奉御鋪御座尚舍直長設內命婦及六尚  
以下次於大次之後俱南向守宮設外命婦次大長公  
主長公主公主以下於南壝之外道西三公夫人以下  
在其南俱重行每等異位東向北上設陳饌幔於內壝  
東門之外道南北向

攝事守宮設享官次於東壝內道南北向西上設陳饌幔於內壝東

門外道  
南北向

前享二日大樂令設宮懸之樂於壇南內壝之  
內如園邱儀諸女工人各為位於懸後東方西方以北  
為上南方北方以西為上右校掃除壇之內外又為瘞  
埴於壇之土地內壝之外方深取足容物南出陞又為  
採桑壇於壇南二十步所方三丈高五尺西出陞尚舍  
量施帷幃於外壝之外四面開門其東門使容厭翟車  
前享一日内謁者設御位於壇之東南西向設望瘞位  
於壇之西南當瘞埴西向設亞獻終獻位於內壝東門

之內道南執事者位於其後每等異位俱重行西向北  
上設典正位於壇下一位於東南西向一位於西南東  
向女史各陪於後設司贊位於樂懸東北掌贊二人在  
南差退俱西面又設司贊掌贊位於瘞埽西南東面南  
上設典樂舉麾位於壇上南陛之西東向設司樂位於  
北懸之間當壇北向設內命婦位於終獻之南每等異  
位重行西面北上設外命婦位於中壝南門之外大長  
公主以下於道東西向當內命婦位差退太夫人以下

於道西去道遠近准公主俱每等異位重行相向北上  
又設御採桑位於採桑壇上東向設內命婦採桑位於  
壇下當御位東北每等異位南向西上設外命婦採桑  
位於壇下當御位東南每等異位北向西上設執御鈎  
筐者位於內命婦之西少南西上尚功執鈎司製執筐設內命婦  
執鈎筐者位各於其採桑位之後尚功下四典執鈎司製下女史執筐設  
門外位享官於東壝之外道南從享內命婦於享官之  
東俱每等異位重行北向西上從享外命婦於南壝之

外道西如設次之式

攝事內謁者設三獻位於內壝東門之內道北執事位於道南每等

異位重行西面以北為上又設望瘞位於壇之東北當瘞道西向又設典正位於壇下一位於東南西向一位於西南東向女史各陪其後糾察違失設掌贊位於樂懸東北女史二人在南差退俱西向設掌贊女史位於瘞道西南東向北上設典樂舉麾位於壇上南陛之西東向設司樂位於北懸之間當壇北向設三獻以下門外位於東壝之外道南每等異位北向西上無設御位下至此儀

設酒罇之位於壇上

東南隅北向西上犧罇二象罇二山壘二

罇皆加勺簋有站以置爵

設御洗於壇南陛東南

攝事無御洗

亞獻之洗又於東南俱

北向壘水在洗東篚在洗西南肆

篚實以中爵

執罇壘篚罍

者位於罇壘篚幕之後設幣篚於壇上罇壘之所晡後

內謁者帥其屬以罇壘洗篚幕入設於位升壇者自東陞享

日未明十五刻大官令帥宰人以鸞刀割牲祝史以豆

取毛血寘於饌所遂烹牲

其神厨及諸司供事便次守宮與金吾相之量於壇東張

設

享日未明五刻司設服其服升設先蠶氏神座於壇

上北方南向席以莞設神位於座首

車駕出宮前享一日金吾奏請外命婦等應集壇所者

並聽夜行其應採桑者四人各具女侍者進筐鉤載之

而行監門先奏請享日未明四刻開所由苑門諸親及命婦以下以次入詣壇南次所各服其服其應採桑者筐鉤各具女侍者執授內謁者監內謁者監受之以授

執鉤筐者享日未明三刻槌一鼓為一嚴

三嚴時節前日內寺奏裁

未明二刻槌二鼓為再嚴尚儀版奏請中嚴內命婦各服其服所司陳車駕鹵簿未明一刻槌三鼓為三嚴司

賓引內命婦入立於庭重行西面以北為上六尚以下

各服其服俱詣室奉迎

尚服負寶如式

內僕進厭翟車於閣外

尚儀版奏外辦馭者執轡皇后服鞠衣乘輿以出華蓋侍衛警蹕如常內命婦從出門皇后升車尚功司製進筐鉤載之仗衛如常內命婦及六尚等乘車陪從如式其內命婦應採桑者四人各服其服典製等進筐鉤載之諸翊駕之官皆乘馬駕動警蹕如常不鳴鼓吹諸衛前後督攝如常內命婦宮人以次從

饋享享日未明二刻諸享官各服其服尚儀及司醢各

帥其屬

攝事則女史及司醢各帥其屬

入實罇罍及幣

犧罇實以醴齊象罇實以盎齊



山罍實以清酒齊加明水酒加元酒各實於上罇其幣以黑

太官令實諸籩豆簠簋

俎等內謁者帥其屬詣厨奉饌入設於饌幔內

內侍之屬與司

膳等掌之其牲之內不上神俎者亦太官付內謁者同時進入以供班胙自餘供享之物並請祠前一日先入

駕將至女相者引先置享官典內引引命婦俱就門外

位

女相者以尚儀下女史充攝事質明女相者引享官以下就壝外位掌贊帥女史先入就位女相者引典

內女祝女史祝史典女執罇罍篚罍者入自東門當壇南北面西上立定掌贊曰再拜女史承傳典正以下皆

再拜訖典正以下各就位司樂帥女工人就位女祝以興贊充女祝史以典贊下女史充駕至大次

門外迴車南向尚儀進車前跪奏稱尚儀妾姓言請降

車興還侍位皇后降車乘輿之大次華蓋繖扇侍衛如

常儀尚儀以祝版進御署訖奉出奠於北初皇后降車

訖尚功司製進受鈎筐以退

其內命婦鈎筐則內命婦降車訖典製等進受之

典贊引亞獻及從享內命婦就門外位司贊帥掌贊先

入就位女相者引尚儀典正女史祝史

女祝史以尚儀下女史充典

女執罇罍篚冪者入自東門當壇南北面西上立定司

贊曰再拜掌贊承傳

凡司贊有詞掌贊皆承傳

尚儀以下皆再拜訖

尚儀以下各就位司樂帥女工人入就位典贊引亞獻

終獻女相者引執事者司贊引內命婦內典引引外命

婦俱入就位皇后停大次半刻頃司言引尚宮立於大

次門外當門北向尚儀版奏外辦皇后出次華蓋侍衛

如常

尚服負寶陪從如式

司言引尚宮尚宮引皇后

凡尚宮前導皆司言先引

入自東門華蓋仗衛停於門外近侍者從入如常皇后

至版位西向立

每立定尚宮與司言退立於左

立定尚宮前奏稱請再

拜退復位皇后再拜司贊曰衆官再拜享官及內外命

婦在位者皆再拜

其先拜者不拜

尚宮前奏有司謹具請行事

退復位

攝事女相者各引享官入就位立定掌贊曰再拜在位者皆再拜女相者進尚宮之左白有司

謹具請行事無駕至以下至此儀

典樂跪舉麾

凡取物者皆跪而取以興奠物亦跪奠訖而後

興鼓祝奏永和之樂以姑洗之均

自後壇下享神之樂皆奏姑洗三成

偃麾憂敵樂止

凡樂皆典樂舉麾工鼓祝而後作偃麾憂敵而後止

尚宮前奏稱

請再拜退復位皇后再拜司贊曰衆官再拜享官及內

外命婦在位者皆再拜壇上尚儀跪取幣於篚興立於

罇所

攝事掌贊曰再拜在位者皆再拜女祝史跪取幣於篚興立於罇所

尚宮引皇后正

和之樂作

皇后每行皆作正和之樂

皇后詣壇升自南陛

攝事女相者引尚宮

升壇以下皆  
尚宮行事

六尚以下量人從升

以下升  
皆如之

皇后升壇北

面立樂止尚儀奉幣東向進皇后受幣登歌作肅和之  
樂以南呂之均尚宮引皇后進北向跪奠於神座興尚  
宮引皇后少退北向再拜訖登歌止尚宮引皇后樂作  
降自南陛還版位西向立樂止初内外命婦拜訖女祝  
史奉毛血之豆立於内壝東門之外於登歌止女祝史  
奉毛血入升自南陛尚儀迎引於壇上進跪奠於神座  
前興女祝史退立於罇所皇后既升奠幣

攝事尚宮既  
升奠幣下倣

此司膳出帥女進饌者奉饌陳於內壝東門之外皇后

既降復位司膳引饌入俎初入門雍和之樂作

攝事自後酌獻

皆奏雍和之樂

饌至陞樂止女祝史跪徹毛血之豆降自東陞

以出饌升南陞尚儀迎引於壇上

攝事女祝史迎引於上

設於神

座前

籩豆蓋罍先徹乃升籩簋既奠却其蓋於下

設訖司膳帥女進饌者降

自東陞復位尚儀

攝事女祝

還罇所尚宮引皇后詣壘洗樂

作

攝事女相者引尚宮無樂

皇后至壘洗樂止尚儀跪取匱盥沃水

司言跪取盤興承水皇后盥手又司言跪取巾於篚興

進皇后帨手訖司言受巾跪奠於篚司言跪取爵於篚  
興進皇后受爵尚儀酌罍水司言奉盤皇后洗爵司言  
受巾皆如初皇后拭爵訖尚儀奠匱司言奠盤巾皆如  
常尚宮引皇后樂作詣壇升自南陛樂止尚宮引皇后

攝事無皇后至罍洗以下至此  
儀但女相者引尚宮詣酒罇所

詣酒罇所執罇者舉罇

尚儀贊酌醴齊訖壽和之樂作

皇后每酌獻及飲福皆  
作壽和之樂攝事奏雍

和尚宮引皇后少退北向立樂止尚儀持版進於神座

之右東向跪讀祝文曰維某年歲次月朔日子皇后某

氏敢昭告於

攝事女祝持版祝云皇后某氏謹遣某官妾姓敢昭告於

先蠶氏唯神

肇興蠶織功濟黔黎爰擇嘉時式遵令典謹以制幣犧

齊粢盛庶品明薦於神尚享訖興皇后再拜初讀祝文

訖樂作尚儀進跪奠版於神座興還罇所皇后拜訖樂

止尚儀以爵酌上罇福酒西向進

攝事女祝以爵酌壘福酒進於尚宮之右

西向皇后再拜受爵跪祭酒啐奠興尚儀帥女進饌者

持籩俎進尚儀減神前三牲胙肉

以取前脚第二骨

各置一俎

上又以籩取稷黍飯共置一邊尚儀先以飯籩西向進



皇后受以授左右尚儀又以胙俎以次進皇后每受以

授左右皇后跪取爵遂飲卒爵尚儀進受復於坵皇后

興再拜訖樂止尚宮引皇后樂作降自南陛還版位西

向立樂止

自此以上若攝事儀皆尚宮行事女相女祝贊之以下倣此

皇后獻將畢

典贊引貴妃詣罍洗盥手洗爵訖

攝事則女相者引尚儀為亞獻

典贊

引貴妃自東陞升壇詣象罇所執罇者舉罇貴妃酌盞

齊典贊引進神座前北向跪奠爵興典贊引貴妃少退

北向再拜尚儀以爵酌罍福酒持爵進貴妃之右西向

立貴妃再拜受爵跪祭酒遂飲卒爵尚儀進受爵復於  
站貴妃再拜典贊引貴妃降自東陛復位如初貴妃獻  
將畢又典贊引昭儀攝事女相者引詣罍洗盥手洗爵

尚食為終獻

詣罍洗盥手洗爵

升酌盜齊終獻如亞獻之儀訖典贊引昭儀降復位尚  
儀進神座前跪徹豆興還罇所徹者籩豆各一司贊曰

少移於故處

司贊曰

賜胙掌贊唱衆官拜在位者皆再拜

已飲福酒者不拜  
攝事賜胙則掌贊

唱賜胙女史  
唱再拜也

永和之樂作尚宮前奏稱請再拜退復位

皇后再拜司贊曰衆官再拜在位者皆再拜樂一成止

尚宮前奏

攝事女相者白

請就望瘞位司贊帥掌贊就瘞埽西

南位尚宮引皇后樂作至望瘞位西向立樂止於衆官  
將拜尚儀執篚進神座前取幣自北陞降壇西行詣瘞  
埽以幣置於埽訖司贊曰可瘞埽東西各四人寘土半  
埽尚宮前贊禮畢請就採桑位尚宮引皇后樂作詣採  
桑壇升自西陞東向立樂止初白禮畢司贊帥掌贊還  
本位

親桑皇后將詣望瘞位司賓引內外命婦採桑者俱就

採桑位

內外命婦一品各二  
入二品三品各一人

諸執鉤筐者各就位皇后

既至採桑位尚功奉金鉤自北陞升壇進典製奉筐從  
升皇后受鉤採桑典製奉筐受桑皇后採桑三條止尚  
功前受鉤典製以筐俱退復位皇初採桑典製等各  
以鉤授內外命婦皇后採桑訖內外命婦以次採桑女  
史執筐者受之內外命婦一品各採五條二品三品各  
採九條止典製等受鉤與執筐者退復位司賓各引內  
外命婦採桑者退復位司賓引婕妤一人詣蠶室尚功

帥執鉤筐者以次從至蠶室尚功以桑授蠶母蠶母受桑切之以授婕妤婕妤食蠶灑一簿訖司賓引婕妤還本位尚儀前奏禮畢退復位尚宮引皇后還大次樂作入大次訖樂止司賓引內命婦內典引引外命婦各還其次尚儀典正以下俱復執事位立定司贊曰再拜尚儀以下皆再拜訖出女工人以次出其祝版燔於齋所車駕還宮皇后既還大次內侍版奏請解嚴將士不得輒離部伍皇后停大次一刻頃槌一鼓為一嚴轉仗衛於還塗如

來儀三刻頃槌二鼓為再嚴尚儀版奏請中嚴皇后服  
鈿釵禮衣五刻頃槌三鼓為三嚴內典引引外命婦出  
次就門外位司賓引內命婦出次序立於大次之前六  
尚以下依式奉迎內僕進厭翟車於大次門外南向尚  
儀版奏外辦馭者執轡皇后乘輿出次華蓋侍衛警蹕  
如常皇后升車鼓吹振作而行內命婦以下乘車陪從  
如來儀車駕過內典引引外命婦退還第駕至正殿門  
外迴車南向尚儀進當車前跪奏稱尚儀妾姓言請降

車興還侍位皇后降車乘輿入侍衛如常內侍版奏請  
解嚴將士各還其所

勞酒車駕還宮之明日內外命婦設會於正殿如元會

儀

唯不賀不  
上壽為異

舊唐書音樂志享先蠶樂章五首

迎神用永和 芳春開令序韶苑暢和風惟靈申廣  
祐利物表神功綺繪周天宇黼黻藻寰中庶幾承慶  
節歆奠下帷宮

皇后升壇用肅和 明靈光至德深功掩百神祥源  
應節啟福緒逐年新萬宇承恩覆七廟佇恭禋於茲  
申至懇方期遠慶臻

登歌奠幣用展敬 霞莊列寶衛雲集動和聲金卮  
薦綺席玉幣委芳庭因心罄丹款先已勵蒼生所冀  
延明福于茲享至誠

迎俎用潔誠 桂筵開玉俎蘭圃薦瓊芳八音調鳳  
律三獻奉鸞觴潔染申太享庭寓異降祥神其覃有



慶錫福永無疆

飲福送神用昭慶  
仙壇禮既畢神駕儼將昇佇屬  
深祥啟方期庶績凝虔誠資宇內務本勗黎蒸靈心  
昭備享率土洽休徵

文獻通考宋真宗景德三年詔祀先蠶依先農例遣官  
攝事

資政殿大學士王欽若言古者王后親率嬪御以祀  
先蠶是以開寶通禮郊祀錄並有親蠶祝辭蓋宙中

宮未嘗親祭所以有司闕而不舉又通禮義纂后親  
享先蠶貴妃為亞獻昭儀為終獻若攝事則尚宮為  
初獻尚儀為亞獻尚食為終獻又周禮大宗伯后不  
祭則攝而薦豆籩徹蓋薦徹豆籩王后之事而宗伯  
得攝之唐會要云農桑衣食萬人不宜獨缺先蠶之  
祭皇帝遣有司攝祭可也臣以謂屬之命婦未若歸  
於有司望詔有司參定其儀

宋史禮志先蠶之禮久廢真宗從王欽若請詔有司檢

討故事以聞案開寶通禮季春吉巳享先蠶於公桑前  
享五日諸與享官散齋三日致齋二日享日未明五刻  
設先蠶氏神座於壇上北方南向尚宮初獻尚儀亞獻  
尚食終獻女相引三獻之禮女祝讀文飲福受胙如常  
儀又案唐會要皇帝遣有司享先蠶如先農可也乃詔  
自今依先農例遣官攝事禮院又言周禮蠶於北郊以  
純陰也漢蠶於東郊以春桑生也請約附故事築壇東  
郊從桑生之義壇高五尺方二丈四陛陛各五尺一壝

二十五步祀禮如中祀

慶歷用羊豕各一攝事獻官太尉太常光祿卿不用樂  
神宗本紀元豐四年九月詳定郊廟奉祀禮文

文獻通考禮文所言季春吉巳享先蠶氏唐月令注以  
先蠶為天駟案先蠶之義與先農先牧先炊一也當是  
始蠶之人故開元禮享先蠶為瘞硴於壇之壬地禮義  
羅曰今禮享先蠶無燔柴之儀明不祀天駟星也又案  
王涇郊祀錄載先蠶祝文曰唯神肇興蠶織則是始蠶

之人明矣今享先蠶其壇在東郊熙寧祀儀又有燎壇則是沿襲唐月令以先蠶為天駟誤矣周禮后蠶於北郊以純陰為尊請就北郊為壇以享始蠶之人仍依開元禮不設燎壇但瘞埋以祭其餘自如故事從之

宋史禮志政和禮局言禮天子必有公桑蠶室以興蠶事歲既畢則奉繭而繅遂朱綠之玄黃之以為郊廟之祭服今既開藉田以供染盛而未有公桑蠶室以供祭服尚為闕禮請倣古制於先蠶壇側築蠶室度地為宮

四面為牆高仞有三尺上被棘中起蠶室二十七別構殿一區為親蠶之所倣漢制置繭館立織室於蠶宮中養蠶於薄以上度所用之數為桑林築採桑壇於先蠶壇南相距二十步方三丈高五尺四陛凡七事置蠶官令丞以供郊廟之祭服又周官內宰詔后帥內外命婦蠶於北郊鄭氏謂婦人以純陰為尊則蠶為陰事可知開元禮享先蠶幣以黑蓋以陰祀之禮祀之也請用黑幣以合至陰之義詔從其議命親蠶殿以無斁為名又

詔親蠶所供不獨袞服凡施於祭祀者皆用之

徽宗本紀宣和元年三月甲戌皇后親蠶

禮志宣和元年三月皇后親蠶即延福宮行禮其儀季春之月太史擇日皇后親蠶命有司享先蠶氏於本壇前期殿中監帥尚舍設坐殿上南向前楹施簾設東西閣殿後之左右又設內命婦妃嬪以下次於殿之左右外命婦以下次於殿門內外之左右隨地之宜量施帷幄於採桑壇外四面開門設皇后幄次於壇壝東門之

內道北南向其日有司設褥位壇二少東東向設內命婦位壇下東北南向設外命婦位壇下東南北向俱異位重行西上內外命婦一品各二人二品三品各一人又設從採桑內命婦等位於外命婦之東南向以內命婦一員充詣蠶室授蠶母桑以食蠶設從採桑外命婦等位於外命婦東北向俱異位重行西上設執皇后鉤箱者位於內命婦之西少南西上尚功執鉤司製執箱內外命婦鉤箱者各位於後典製執鉤女史執箱又於



壇上設執皇后鈎箱位於皇后採桑位之北稍東南向西上前出宮一日兵部帥其屬陳小駕鹵簿於宣德門外太僕陳厭翟車東偏門內南向其日未明外命婦應採桑及從採桑者先詣親蠶所罷次以俟起居各令其女侍者進鈎箱載至親蠶所授內謁者監以授執鈎箱者前一刻內命婦各服其服內侍引內命婦妃嬪以下俱詣殿庭起居訖內侍奏請中嚴少頃又奏外辦皇后首飾鞠衣乘龍飾肩輿如常儀障以行幄出內東門至

左昇龍門內侍跪奏具官臣某言請降肩輿升厭翟車  
訖俛伏興少退御者執綏升厭翟車內侍詣車前奏請  
車進發出宣德東偏門執事者進鈎箱載之車至親蠶  
所降車乘肩輿入後殿西閣門侍衛如常儀內侍先引  
內外命婦及從採桑者俱就壇下位諸執鈎箱者各就  
位內侍奏請中嚴少頃奏外辦皇后首飾鞠衣乘肩輿  
內侍前導至壇東門華蓋仗衛止於門外近侍者從之  
入內侍奏請降肩輿至幄次內下簾又內侍至幄次請

行禮導皇后詣壇升自南陛東向立執鈎箱者自北陛以次升壇就位次內侍引尚功詣採桑位前西向奉鈎以進皇后受鈎採桑司製奉箱進以受桑皇后採桑三條止以鈎授尚功尚功受鈎司製奉箱俱退復位初皇后採桑曲製各以鈎授內外命婦皇后採桑訖內外命婦以次採桑女使執箱者受之內外命婦一品各採五條二品三品各採九條止典製受鈎與執箱者退復位內侍各引內外命婦退復位內侍詣皇后前奏禮畢退

復位內侍引皇后降自南陞歸幄次少頃奏請乘肩輿如初內侍前導皇后歸殿後閣內侍奏解嚴初皇后降壇內侍引內命婦詣蠶室尚功帥執鈎箱者以次從至蠶室尚功以桑授蠶母蠶母受桑縷切之授內命婦蠶灑一薄訖內侍引內外命婦各還次皇后還宮

徽宗本紀六年閏三月辛巳皇后親蠶

禮志宣和重定親蠶禮外命婦宰執并一品夫人升壇侍立餘品列於壇下六年閏三月皇后復行親蠶之禮

焉

玉海高宗紹興二年四月二十四日上謂輔臣曰宮內亦自有蠶欲知女工艱難俾每事質儉

宋史高宗本紀紹興七年五月壬申命禮官舉農蠶風雷雨師之祀

禮志紹興七年始以季春吉巳日享先蠶視風師之儀玉海紹興七年五月十一日黃積厚請季春吉巳日享先蠶從之

文獻通考紹興十五年太常王湛言請案政和禮建親蠶殿蠶室繭館請皇后就禁中行親蠶之禮朝旨送禮部下太常寺討論不果行

宋史禮志孝宗乾道中升先蠶為中祀

王圻續通考親蠶之禮遼金俱不行故不列祀典元建蠶壇而祀事不舉故其禮儀亦無可考趙天麟嘗有策述古公桑之製勸中宮倣古親蠶

明史世宗本紀嘉靖九年正月作先蠶壇於北郊

禮志先蠶明初未列祀典嘉靖時都給事中夏言請改各官莊田為親蠶厥公桑園令有司種桑柘以備宮中蠶事九年復疏言耕蠶之禮不宜偏廢帝乃敕禮部古者天子親耕皇后親蠶以勸天下自今歲始朕親祀先農皇后親蠶其考古制具儀以聞大學士張璁等請於安定門外建先蠶壇詹事霍韜以道遠爭之戶部亦言安定門外近西之地水源不通無浴蠶所皇城內西苑中有太液瓊島之水考唐制在苑中宋亦在宮中宜倣

行之帝謂唐人因陋就安不可法於是禮部尚書李時  
等言大明門至安定門道路遙遠請鳳輦由東華元武  
二門因條上四事一治繭之禮二壇壝之向三採桑之  
器四掌壇之官帝從其言命自元武門出內使陳儀衛  
軍一萬人五千圍壇所五千護於道餘如議

世宗實錄禮部尚書李時等條上四事一增治繭之禮  
採桑而不治繭非禮之全及繭成後令內臣自北郊捧  
獻宮中仍於宮中量立蠶繭織室行三盆之禮以終蠶



事二定壇壝之向先蠶採桑二壇悉準先農耜田先蠶壇北向採桑壇東向如唐開元之制三定採桑之器唐制尚功奉金鉤夫親桑以識女工之艱難金鉤侈矣篚鉤宜如民間器用毋過雕飾四擇掌壇之官中宮出郊禮儀擇司禮監老成謹厚者掌之

禮志三月工部上先蠶壇圖式帝親定其制壇方二丈六尺疊二級高二尺六寸四出陛東西北俱樹桑柘內設蠶宮令署採桑臺高一尺四寸方十倍三出陛鑾駕

庫五間後蓋織堂壇圍方八十丈

蕙田案壇圍方八十丈壇字疑誤或當作牆

存考

世宗實錄九年三月皇后親蠶於北郊祭先蠶氏

禮部言親蠶之禮出於創見命婦倉卒入壇恐愆禮  
度請以所繪採桑圖授之俾先期肄習並定命婦牙  
牌式視陪祀官殺三之一至日皇后出郊行親蠶禮  
祭先蠶氏

明會典國初無親蠶禮肅皇帝始勅禮部以每歲季春皇后親蠶於北郊後改於西苑未久即罷嘉靖九年定先期欽天監擇日以聞順天府具蠶母名數奏送蠶室內工部具鈎箱筐架及一應養蠶什物給送蠶母順天府將蠶種及鈎筐一副進呈訖奉自西華門出置綵輿中鼓樂送至蠶室蠶母浴種伺蠶生先飼以待先一日蠶宮令丞設皇后採桑位於採桑臺東向執鈎筐者位於稍東設公主及內命婦位於皇

后位東設外命婦位於採桑臺東陞之下南北向以西為上至日四更宿衛陳兵衛女樂工備樂司設監備儀仗及重翟車蠶宮令備鈎筐俱候於西華門外內執事女樂生并司贊六尚女官等皆乘車先至壇內候將明內侍詣坤寧宮奏請皇后詣先蠶壇所皇后服常服導引女官導皇后出宮門乘肩輿侍衛警蹕如常儀公主及內命婦應入壇者各服其服以從至西華門內侍奏請降輿陞重翟車兵衛儀仗女樂

前導女官奉鈎筐行於車前皇后至具服殿少憩易  
禮服祭先蠶祭畢更常服司賓引外命婦先詣採桑  
臺位南北向女侍執鈎筐者各隨於後尚儀入奏請  
詣採桑位導引女官導皇后至採桑位東向公主以  
下各就位南北向執鈎者跪進鈎執筐者跪奉筐受  
桑皇后採桑三條還至壇南儀門坐觀命婦採桑三  
公命婦以次取鈎採桑五條列侯九卿命婦以次採  
桑九條採訖各以筐授女侍司賓引內命婦一人詣

蠶室尚功帥執鉤筐者從尚功以桑授蠶母蠶母受桑縷切之以授內命婦內命婦還尚儀前奏採桑禮畢皇后還具服殿候陞座尚儀奏司賓帥蠶母等行叩頭禮訖司贊唱班齊外命婦序列定贊四拜畢賜命婦宴於殿內外並賜蠶婦酒食於採桑臺旁公主及內命婦殿內序坐外命婦從採桑者及文武二品以上命婦於殿臺上三品以下於臺下各序坐尚食進膳司賓引公主及內命婦各就坐教坊司女樂奏

樂進酒及進膳進湯如儀宴畢徹案公主以下並外  
命婦各就班司贊贊四拜尚儀跪奏禮畢皇后興還  
宮導從如前

禮志四月蠶事生戍行治繭禮選蠶婦善繅絲及織者  
各一人卜日皇后出宮導從如常儀至織堂內命婦一  
人行三盆手禮布於織婦以終其事蠶宮令送尚衣織  
染監局造服其祀先蠶止用樂不用舞樂女生冠服俱  
用黑

世宗本紀十年四月皇后親蠶於西苑

實錄二月禮臣言親蠶盛典去歲皇后躬祭採桑已足風勵天下今先蠶壇殿工未畢宜且遣官行禮帝初不可令如舊行已而以皇后出入不便命改築先蠶壇於西苑

明會典親蠶壇改築於西苑壇高二尺六寸四出陞廣六尺四寸甃以甃石又為塋坎於壇右方深取足容物東為採桑臺方一丈四尺高二尺四寸三出陞



鋪甃如壇制臺之左右樹以桑壇東為具服殿三間  
前為門一座俱南向西為神庫神厨各三間右宰牲  
亭一座壇之北為蠶室五間南向前為門三座高廣  
有差左右為廂房各五間後為從室各十間以居蠶  
婦設蠶宮署於宮左置蠶宮令一員丞二員擇內臣  
謹恪者為之以督蠶桑等務

初建先蠶壇於北郊以歲春擇日皇后躬祀先蠶行  
親蠶禮後又改築壇於內苑致祭行親蠶禮一齋戒

前期三日尚儀奏致齋三日內執事并司贊六尚等女官及應入壇者各齋二日一省牡羊二豕一鹿一兔一陳設先蠶氏之神羊二豕一豎豆各六簋簋各二帛一篚一酒尊三爵三酒盞三十祝案一正祭先一日蠶宮令陳樂女生位於壇南設皇后拜位於壇下北向次公主次內命婦次外命婦拜位俱異位重行北向設內贊位於壇南設司贊位於皇后拜位之東西設司賓位於外命婦班之北東西相向皇

后至壇所入具服殿少憩司賓先引外命婦列於先  
蠶壇下東西相向以北為上尚儀詣皇后前奏請皇  
后易禮服出殿門將至壇內贊唱樂女生就位執事  
官各司其事導引女官導皇后至拜位司贊奏就位  
次公主次內命婦又次外命婦各就拜位內贊唱瘞  
毛血迎神樂作樂止司贊奏四拜公主以下同內贊  
唱奠帛行初獻樂作執事官捧帛爵跪於神位前各  
奠訖樂暫止內贊唱讀祝司贊奏跪皇后跪公主以

下同讀祝女官跪於神位前右讀訖樂作司贊奏興  
皇后興公主以下同樂止內贊唱行亞獻禮樂作執  
事官捧爵跪奠於神位前訖樂止內贊唱行終獻禮  
儀同亞獻執事女官進立壇東西向唱賜福胙司贊  
奏跪皇后跪執事女官以福酒跪進於皇后右奏飲  
福酒皇后飲訖執事女官以胙跪進於皇后右奏受  
胙皇后受胙訖司贊奏興皇后興司贊奏二拜公主  
以下同內贊唱徹饌樂作執事女官詣神位前徹饌

訖樂止內贊唱送神樂作司贊奏四拜公主以下同  
樂止內贊唱讀祝官捧祝執事官捧帛饌各詣瘞位  
樂作樂止司贊唱禮畢皇后還具服殿更常衣行親  
蠶禮

享先蠶樂章 於穆惟神肇啟蠶桑依我萬民保我  
家邦茲舉曠儀春日載陽恭迎霞馭靈氣洋洋 神  
其臨只有苾有芬乃獻玉蠶乃奠文繡仰祈昭鑒淑  
氣氤氲顧茲蠶婦祈祈如雲 載舉清觴蠶祀孔明

以格以享鼓瑟吹笙陰教用彰坤儀允貞神之聽之  
鑒此裡誠神之格思桑土是宜三縑七就惟此蘭  
絲獻禮有終神不我遺錫我純服藻繪皇儀俎豆  
具徹式禮莫愆既匡既勅我祀孔虔我思古人葛覃  
唯賢明靈歆只永顧桑阡神之升矣日霽霞蒸相  
此女紅杼軸其興茲過元宮鸞鳳翔騰瞻望勿及永  
錫嘉徵

禮志四月皇后行親蠶禮於內苑帝謂親耕無賀此安

得賀第行叩頭禮女樂第供宴勿前導

春明夢餘錄夏言請舉親蠶之禮疏祭統天子親耕  
於南郊以供粢盛皇后親蠶於北郊以供祭服夫以  
天子之尊非莫為之耕也而必躬耕以供郊廟之粢  
盛后妃之貴非莫之蠶也而必躬蠶以為祭祀之服  
飾所以然者一以致其誠信可以交於神明一以勸  
天下之農夫蠶婦非身帥先之弗可也先儒張栻曰  
周家建國自后稷以農事為務歷世相傳其君子則

務稼穡之事其室家則躬織衽之勤如周公之告成王其見於詩有若七月皆言農桑之候也其見於書有曰無逸欲其知稼穡之艱難知小人之依也帝王相傳心法之要端在於此臣由是考之於漢皇后蠶於東郊後漢皇后帥公卿列侯夫人蠶歷魏晉宋北齊後周以及於隋亦復依據周典未之或廢唐立先蠶壇在長安北苑太宗貞觀九年三月文德皇后帥內外命婦有事於先蠶歷高宗永徽顯慶以還皆間



歲皇后親祀先蠶宋真宗景德三年詔祀先蠶神宗  
元豐四年又詳定享先蠶之儀宣和元年皇后親蠶  
於延福宮高宗紹興七年猶復舉行至十五年太常  
丞王湛言請案政和禮建親蠶殿蠶室繭館請皇后  
就禁中行親蠶禮朝旨送禮部下太常寺討論尋不  
果行則是親蠶之禮殆廢於此矣洪惟我太祖高皇  
帝開天建極制禮作樂躬耕藉田既稽古攸行矣顧  
獨於親蠶闕焉當時議禮諸臣亦竟未有及之者豈

非本朝之缺歟列聖相承繼文由舊謙讓未遑禮官  
廷臣蔑聞建白是固有待於陛下也夫農桑之業衣  
食萬人不宜獨缺耕蠶之禮垂法萬世不宜偏廢先  
儒謂禮樂必百年而後興又曰必聖人在天子之位  
此臣惓惓之愚所以不已於今日發也伏望陛下留  
神垂覽倘蒙采納乞勅禮戶工三部會集具議以聞  
續文獻通考嘉靖十年世宗召張亨敬李時詣西苑  
相地建土穀壇并建先蠶壇於仁壽宮側毀北郊蠶

壇

農政全書太祖洪武二年二月上命皇后率内外命婦蠶北郊供郊廟衣服如儀自是歲以為常

蕙田案明史先蠶明初未立祀典會典亦云國初無親蠶禮夏言亦云太祖制禮親蠶獨缺而農政全書所載未知何本今附之以俟考

世宗實錄嘉靖十六年二月詔罷親蠶禮西苑改建先

蠶壇十一年皇后皆親蠶其後因事輒不舉至是始詔罷之仍命進蠶具如常歲遣女官祭先蠶

明史禮志嘉靖三十八年罷親蠶禮四十一年並罷所司奏請

蕙田案世宗罷親蠶禮據實錄在十六年至三十八年并女官亦罷史誤

右漢至明親桑享先蠶

五禮通考卷一百二十六

欽定四庫全書

五禮通考卷一百二十七

刑部尚書秦蕙田撰

吉禮一百二十七

享先火

周禮夏官司燿凡祭祀則祭燿

注報其為明之功禮如祭燿

祭燿祭老婦也則此祭

燿謂祭先出火之人

高氏愈曰舉火曰燿又火神之名也謂祝融回祿或

謂始鑽燧出火者凡民非火不活故祭而報其功先王於有功之人未嘗忘報如先蠶先農先卜皆有祭而况鑽木出火以教人者乎

右享先火

享先炊

禮記禮器孔子曰臧文仲焉知禮燔柴於奧夫奧者老

婦之祭也盛於盆尊於瓶

注奧當為鬯字之誤也或作竈禮尸卒食而祭饔饗饗饗也

時人以為祭火神乃燔柴老婦先炊者也盆瓶炊器也明此祭先炊非祭火神燔柴似失之疏老婦之祭故

知非奧與者夏祀竈神其禮尊以老婦醯之耳故中霤  
禮祭竈先薦於奧有主有尸用特牲迎尸以下畧如祭  
宗廟之禮是其事大也爨者宗廟祭祀尸卒食之後特  
祭老婦盛於盆尊於瓶是其事小也特牲記注舊說云  
宗婦祭饔饗享人祭饗爨  
用黍肉而已無籩豆俎

### 右享先炊

### 享先卜

周禮春官龜人上春釁龜祭祀先卜

注先卜始用卜筮者言祭祀尊焉

天地之也世本曰巫咸作卜筮未聞其人也疏先卜  
是人應曰享而云祭祀與天地同稱故云尊焉天地之  
也易所作即伏羲為之但未有撰著之法至巫咸乃教  
人為之故巫咸得作筮之名未聞其源世本又不言其

人故云未  
聞其人也

高氏愈曰祭祀先卜祭字疑義文先卜始為卜筮者  
用其術而因祀之不敢忘本也

右享先卜

享先醫

蕙田案三皇之祭唐宋以來有之元始定為  
先醫明仍之

元史祭祀志元貞元年初命郡縣通祀三皇如宣聖釋



奠禮太皞伏羲氏以勾芒氏之神配炎帝神農氏以祝融氏之神配軒轅黃帝氏以風后氏力牧氏之神配黃帝臣俞跗以下十人姓名載於醫書者從祀兩廡有司歲春秋三季行事而以醫師主之

王圻續通考成宗元貞間建三皇廟在明照坊內有三皇并歷代名醫像東有神機堂內置銅人鍼灸圖二十有四

明史禮志三皇明初仍元制以三月三日九月九日通

祀三皇洪武元年令以太牢祀二年命以勾芒祝融風  
后力牧左右配俞跗桐君僦貸季少師雷公鬼臾區伯  
高岐伯少俞高陽十大名醫從祀儀同釋奠四年帝以  
天下郡邑通祀三皇為瀆禮臣議唐玄宗嘗立三皇五  
帝廟於京師至元成宗時乃立三皇廟於府州縣春秋  
通祀而以醫藥主之甚非禮也帝曰三皇繼天立極開  
萬世教化之源汨於藥師可乎命天下郡縣毋得襲祀  
正德十一年立伏羲氏廟於秦州秦州古成紀地從巡

按御史馮時雄奏也

明會典嘉靖十五年建聖濟殿於文華殿後以祀先醫  
歲用羊一豕一鉶二簋簋各二籩豆各八帛一遣太醫  
院正官行禮

二十一年又建景惠殿於太醫院上祀三皇配以勾芒  
祝融風后力牧而附歷代醫師於兩廡凡二十八人歲  
遣禮部堂上官一員行禮太醫院堂上官二員分獻二  
殿之祭並以春秋二仲上甲日一陳設殿中正壇犢一

羊一豕一登二鉶二籩豆各十簋簋各二爵三酒尊一  
帛一篚一祝案一東配位一壇羊一豕一鉶一籩豆各  
十簋簋各一爵六帛一篚一西配位一壇陳設同東廡  
醫師十四位分設三壇僦貸季天師岐伯伯高鬼臾區  
俞跗少俞少師桐君太乙雷公馬師皇伊尹神應王扁  
鵲倉公淳于意張機每壇豕一析為三壇籩豆各六簋  
簋各一酒盞五爵三帛一篚一西廡醫師十四位華陀  
王叔和皇甫謐抱朴子葛洪巢元方真人孫思邈藥王

韋慈藏啓元子王氷錢乙朱肱李杲劉完素張元素朱  
彥修陳設同一正祭贊引對引導遣官至咸濟門贊詣  
盥洗所贊搢笏洗訖贊出笏典儀唱執事官各司其事  
贊引贊就位典儀唱迎神贊四拜贊引贊陞壇導遣官  
至中香案前贊跪贊搢笏贊上香贊引引至東香案前  
贊跪上香訖引至西香案前贊跪上香訖贊出笏贊復  
位太醫院堂上官於兩配位香案前上香訖典儀唱奠  
帛行初獻禮贊引贊陞壇引至神位前贊搢笏贊獻帛

贊三獻爵獻訖贊出笏贊詣讀祝位贊跪贊讀祝讀訖  
贊俯伏興平身贊復位兩配位執事自獻兩廡儀同殿  
典儀唱亞獻禮終獻禮儀同初獻惟不獻帛不讀祝典  
儀唱徹饌執事徹訖典儀唱送神贊引贊四拜典儀唱  
讀祝官捧祝掌祭官捧帛饌各詣燎位贊引贊禮畢

春明夢餘錄嘉靖二十一年以太醫院廟制湫隘弗稱  
命展拓今廟隨從禮官議增從祀餽貸季等二十八人  
隆慶四年禮部侍郎王希烈議三皇既祀於帝王廟請

罷太醫院廟祭專遣太醫院官祭先醫不允

明闕名改建太醫院廟制奏議蓋聞上古聖人繼天立極開物成務壽世福民其功尤繫於醫伏羲觀天象明歷氣神農嘗百藥制本草黃帝與岐伯問答而有素問之書醫道蓋昉於此矣周禮小宗伯兆五帝於四郊說者謂祭以天帝配食以五人帝春以太昊夏以炎帝季夏以黃帝然此主於五方之位未有醫之專祀也至於元自國都以至郡縣皆立三皇廟於

醫者之學如宣聖釋奠禮太昊伏羲氏以勾芒氏之神配炎帝神農氏以祝融氏之神配黃帝軒轅氏以風后力牧氏之神配及黃帝臣俞跗以下十人姓氏載於醫書者從祀兩廡有司歲春秋二季行事而以醫師主之其臣虞集有言三聖人之所以惠利生人者不必以醫之一技而求夫爲醫之道不上達於三聖人則不足以盡其至聖之能事是其祭雖專爲醫而設然徧於郡縣則又不免失之瀆矣肆我成祖御



宇諏經稽典正名定祀尤以醫道關係民生至重乃  
即太醫院立廟以崇祀三皇正統間加修葺聖祖神  
宗先後一揆咸欲躋斯世斯人於仁壽之域而永貽  
燕翼之令圖也洪惟皇上創矩以盡度備物以章虔  
臣等切惟廟必有制祀必合法不為畫一之制則恐  
襲前人之故轍而無以稱觀瞻不正從祀之名則恐  
失醫聖之心傳而無以垂法守臣等將合行規制恭  
擬上進伏乞裁定施行

右享先賢

祭厲

蕙田案厲祭列於七祀見於祭法聖人知鬼  
神之情狀而神道設教於無窮也記曰人死  
歸復於土其氣發揚於上為昭明焄蒿悽愴  
此百物之精也子產曰鬼有所歸乃不為厲  
人生始化曰魄既生魄陽曰魂用物精多則  
魂魄強匹夫匹婦強死其魂魄猶能依於人

以為淫厲帝王治天下建宗伯秩三禮俾神  
人上下無一不治且和雖鬼之不得其所者  
亦惻然有所不忍而思以慰之俾有血食以  
安其類其義固深且遠矣周人附於七祀之  
列漢立五祀而鄭氏注漢時民家皆秋祀厲  
則固未嘗廢也唐開元制七祀宋仍之逮明  
初仍立五祀而另立祭厲之禮上自國都下  
至州縣里社並得祀焉至於今不廢固祀典

之正而非淫祠之比也今畧附見五祀門內  
考其原流列諸吉禮之末亦可見聖人制作  
之精意云

禮記祭法王為羣姓立七祀曰泰厲 諸侯為國立五

祀曰公厲

大夫立三祀曰族厲

注厲主殺伐士喪禮曰疾病禱於五祀司

命與厲其時不著今時民家或春秋祠司命行神山神門戶竈在旁是必泰祠司命秋祀厲也或者合而祠之山即厲也民惡言厲巫祝以厲山為之謬乎春秋傳曰鬼有所歸乃不為厲疏曰泰厲者謂古帝王無後者也此鬼無所依歸好為民作禍故祀之也曰公厲者謂古諸侯無後者諸侯稱公其鬼為厲故曰公厲曰族厲

者謂古大夫無後者鬼也族衆也大夫衆多其鬼無後者衆故言族厲士喪禮曰疾病禱於五祀者證士亦有五祀云司命與厲其時不著者以其餘五祀月令所祀皆著其時唯司命與厲祀時不顯著云今時民家或春秋祠司命行神山神門戶竈在旁者鄭以無文故引今漢時民家或有春秋二時祠司命行神山神也民或然故云或也其祀此司命行神山神之時門戶竈三神在諸神之旁列位而祭也云是必春祠司命秋祠厲也者漢時既春秋俱祠司命與山神則是周時必應春祠司命司命主長養故祠在春厲主殺害故祠在秋云或者合而祠之者鄭又疑之以見漢時司命與山神春秋合祭故云或者合而祠之云山即厲也者以漢時祭司命行神山神門戶竈等此經亦有司命門行戶竈等漢時有山而無厲此有厲而無山故云山即厲也云民惡言厲正祝以厲山為之者鄭解厲稱山之意漢時人民惡惡厲漢時巫祝之人意以厲神是厲山氏之鬼為之故

云厲山云謬乎者謂巫祝以厲為厲山之鬼於理謬乎所以為謬者鬼之無後於是為厲厲山氏有子曰柱世祀厲山之神何得其鬼為厲故云謬也引春秋傳者昭七年左傳文於時鄭良霄被殺而死其鬼為厲子產立良霄之子良止為後子太叔問其故子產曰鬼有所歸乃不為厲引之者證厲山氏既有所歸不得為厲

蕙田案厲字義與和字相反泰大也天子主天下凡天下之大其厲皆當祀之曰泰厲諸侯主一國凡一國之無主者皆公厲也公與私對大夫主一家凡一家之無祀者皆族厲也族同姓之謂康成以公厲為諸侯之無後

者諸侯稱公為公厲族厲為大夫之無後者  
大夫衆多故曰族厲非唯理義拘礙隘而不  
宏而王之泰厲又將何以訓之明集禮祭厲  
文得之矣

春秋昭公七年左氏傳鄭子產聘於晉晉侯有疾韓宣  
子逆客私焉曰寡君寢疾於今三月矣並走羣望有加  
而無瘳今夢黃熊入於寢門其何厲鬼也對曰以君之  
明子為大政其何厲之有昔堯殛鯀鯀於羽山其神化為

黃熊以入於羽淵實為夏郊三代祀之晉為盟主其或  
者未之祀也乎

鄭人相驚以伯有曰伯有至矣則皆走不知所往

注襄三十

年鄭人殺伯有言其鬼至鑄刑書之歲二月

注在前

或夢伯有介而行

注介甲也

曰壬子余將殺帶也明年壬寅余又將殺段也及

壬子馮帶卒國人益懼齊燕平之月

注此年正月

壬寅公孫

段卒國人愈懼其明月子產立公孫洩及良止以撫之

乃止

注公孫洩子孔之子也襄十九年鄭殺子孔良止伯有子也立以為大夫使有宗廟

子太叔



問其故子產曰鬼有所歸乃不為厲吾為之歸也太叔曰

公孫洩何為

注子孔不為厲問何故復立洩

子產曰說也為身無義而

圖說

注伯有無義以妖鬼故立之恐惑民并立洩使若自以大義存誅絕之後者以解說民心從政

有所反之以取媚也

注民不可使知之故治政者或當反道以求媚於民也

謂反正道也媚愛也從其政事治國家者有所反於正道以取民愛也反正道者子孔誅絕於道理不合立公孫洩今既立良止恐民以鬼神為惑故反違正道兼立公孫洩以取媚於民令民不惑也段與帶之卒自當命盡而終耳未必良霄所能殺也但良霄為厲因此恐民民心不安義須止遏故立祀止厲所以安下民也何休膏肓難此言孔子不語怪力亂神以鬼神為政必感衆故不言也今左氏以此令後世信其然廢仁義而祈福

於鬼神此大亂之道也子產雖立良止以託繼絕此以鬼賞罰要不免於惑衆豈當述之以示季末鄭玄答之曰伯有惡人也其鬼為厲鬼厲者陰陽之氣相乘不和之名尚書五行傳六厲是也人死體魄則降魄氣在上尚德者附和氣而興利孟夏之月令雩祀百辟卿士有益於民者由此也為厲者因害氣而施災故謂之厲鬼月令民多厲疾五行傳有禦六厲之禮禮天子立七祀有大厲諸侯立五祀有國厲欲以安鬼神弭其害也子產立良止使祀伯有以弭害乃禮與洪範之事也子所不語怪力亂神謂虛陳靈象於今無驗也伯有為厲鬼著明若此而何不語乎子產固為衆愚將惑故并立公孫洩云從政者有所反之以取媚也孔子曰民可使由之不可使知之

不媚不信

注說而後信之

不信民不從也及

子產適晉趙景子問焉曰伯有猶能為鬼乎子產曰能

人生始化曰魄既生魄陽曰魂用物精多則魂魄強是以有精爽至於神明匹夫匹婦強死其魂魄猶能憑依於人以為淫厲况良霄我先君穆公之冑子良之孫子耳之子敝邑之卿從政三世矣鄭雖無腴抑諺曰蕞爾國而三世執其政柄其用物也弘矣其取精也多矣其族又大所馮厚矣而強死能為鬼不亦宜乎

蕙田案左氏兩條可證明厲字之義

右古祭厲

通典後漢人家祀山神門戶

注山即厲也

唐開元中祭七祀門厲以秋

文獻通考宋制七祀秋祀厲

明史禮志泰厲壇祭無祀鬼神春秋傳曰鬼有所歸乃不為厲此其義也祭法王祭泰厲諸侯祭公厲大夫祭族厲鄭注謂漢時民間皆秋祠厲則此祠達於上下矣然後世皆不舉行洪武三年定制京都祭泰厲設壇元武湖中歲以清明及十月朔日遣官致祭前期七日檄

京都城隍祭日設京省城隍神位於壇上無祀鬼神等  
位於壇下之東西羊三豕三飯米三石王國祭國厲府  
州祭郡厲縣祭邑厲皆設壇城北一年二祭如京師里  
社則祭鄉厲後定郡邑厲鄉厲皆以清明日七月十五  
日十月朔日

大明集禮古者七祀於前代帝王諸侯卿大夫之無後  
者皆致其祭後世以爲涉於淫諂非禮之正遂不舉行  
而此等無依之厲乃或依附土木爲民禍福以邀祀享

者蓋無足怪國朝於京都則祭泰厲於王國則祭國厲於各府州縣則祭郡邑厲於里社則祭鄉厲而於天下之淫祀一切屏除使厲之無所歸依者不失祭享其爲民除害之意可謂至矣

祭日

泰厲國厲郡邑厲皆一年二祭

春以三月清明日冬以十月初

一鄉厲則一年三祭

春以清明後三日秋以七月十五日冬以十月三日

祭所

京都壇在元武湖中其各府州縣則皆設壇於

城北其縣里長則又各自立一祭壇

祭物 凡祭用少牢羊三豕三飯米三石

祭儀

凡祭前期移文告於京都城隍

京都七日 前告各府州縣三日

前告其各府州縣則隨其地而易之曰某處城隍

正祭日設城隍神位及天下

城隍神位於壇上

其各府州縣則獨設某處城隍於壇上之正東

設無祀神鬼

等衆位於壇下之東西

祭泰厲文維某年某月某日中書省某官欽奉聖旨

謹備牲醴羹飯致祭於天下無祀神鬼等衆有制諭

爾爾其恭聽皇帝制曰普天之下后土之上無不有

人無不有鬼神人鬼之道幽明雖殊其理則一故天下之廣兆民之衆必立君以主之君總其大又設官分職於府州縣以各長之各府州縣又於每一百戶內設一里長以統領之上下之職綱紀不紊此治人之法如此天子祭天地神祇及天下山川王國各府州縣祭境內山川及祀典神祇庶民祭其祖先及里社土穀之神上下之禮各有等第此事神之道如此尚念冥冥之中無祀神鬼昔為生民未知何故而歿



其間有遭兵刃而橫傷者有死於水火盜賊者有被人取財而逼死者有被人強奪妻妾而死者有遭刑禍而負屈死者有天災流行而疫死者有為猛獸毒蟲所害者有為饑餓凍死者有因戰鬪而殞身者有因危急而自縊者有因牆屋傾頽而壓死者有死後無子孫者此等鬼魂或終於前代或歿於近世或兵戈擾攘流移於他鄉或人烟斷絕久缺其祭祀姓名泯沒於一時祀典無聞而不載此等孤魂死無所依

精魄未散結為陰靈或倚草附木或作為妖怪悲號  
於星月之下呻吟於風雨之時凡遇人間節令心思  
陽世魂杳杳以無歸身墮沉淪意懸懸而望祭興言  
及此憐其慘悽已勅天下有司依時享祭在王國有  
國厲之祭在各府州有郡厲之祭在各縣有邑厲之  
祭在一里又有鄉厲之祭期於神依人而血食人敬  
神而知禮猶慮四海之廣未能徧及今遇三月清明  
日十月初  
一特設壇於元武湖中遣官致備牲醴普祭天下鬼  
日

魂等衆先期已告京都城隍移文徧歷所在招集汝等鬼靈於今日悉赴此壇普享一祭城隍在此鑒察爾等或生於良善或素為兇頑善惡之報神必無私汝等既享之後聽命於城隍各安其分

告城隍文中書省為祭天下無祀神鬼等衆事欽奉聖旨云云猶慮四海之廣未能徧及特於京城之北元武湖中設壇遣官普祭天下無祀神鬼等衆然幽明異境人力難為必資神力庶得感通故命移文於

神先期分遣諸將徧歷所在台集鬼靈等衆於是日  
悉赴壇所普享一祭至日請神鎮控壇場鑒諸鬼等  
類其中果有生為良善誤遭刑禍死於無辜者神當  
達於所司使之還生中國來享太平之福如有素為  
凶頑身死刑憲雖獲善終亦出僥倖者神當達於所  
司屏之四裔善惡之報神必無私永垂昭格欽此除  
欽遵外合行移咨請照欽依施行

各府祭郡厲文

州縣  
倣此

維某年月日某府官某遵承禮

部符文為祭祀本府闔境無祀神鬼等衆事該欽奉

皇帝聖旨

云云

欽奉如此今某等不敢有違謹設於

城北以

三月初一日

置備牲醴羹飯專祭本府闔境

無祀神鬼等衆靈其不昧來享此祭凡我一府境內

人民倘有忤逆不孝不敬六親者有姦盜詐偽不畏

公法者有拗曲作直欺壓良善者有趨避差徭靠損

貧戶者似此頑惡奸邪不良之徒神必報於城隍發

露其事使遭官府輕則笞決杖斷不得號為良民重

則徒流絞斬不得生還鄉里若事未發露必遭陰譴  
使舉家並染瘟疫六畜田蠶不利如有孝順父母和  
睦親族畏懼官府遵守禮法不作非違良善正直之  
人神必達之城隍陰加護佑使其家道安和農事順  
序父母妻子保守鄉里我等闔府官吏人等如有上  
欺朝廷下枉良善貪財作弊蠹政害民者靈必無私  
一體昭報如此則鬼神有鑒察之明官府非諂諛之  
祭尚享

祭告城隍文某府遵承禮部符文爲祭祀本府無祀  
神鬼事該欽奉聖旨云云欽奉如此今某等不敢有  
違謹於年月日於城北設壇致備牲酒羹飯享祭本  
府無祀神鬼等衆然幽明異境人力難爲必資神力  
庶得感通今特移文於神先期分遣諸將召集本府  
闔境鬼靈等衆至日悉赴壇所普享一祭神當欽承  
勅命鎮控壇場鑒察善惡無私昭報爲此合行移牒  
請照驗欽依施行

祭鄉厲文某縣某鄉某村某里某社里長某人承本  
縣官裁旨該欽奉皇帝聖旨云云欽奉如此今某等

不敢有違謹設壇於本里以

三月日謂清明後三日  
七月十五日十月初三

日率領某人等百家聯名於此置備羹飯肴物專祭  
爾等本里神鬼靈其不昧依期來享凡我一里之中  
百家之內倘有忤逆不孝不敬六親者有姦盜詐偽  
不畏公法者有拗曲作直欺壓良善者有趨避差徭  
靠損貧戶者似此頑惡奸邪不良之徒神必報於城



隍發露其事使遭官府輕則笞決杖斷不得號為良  
民重則徒流絞斬不得生還鄉里若事未發露必遭  
陰譴使舉家並染瘟疫六畜田蠶不利如有孝順父  
母和睦親族畏懼官府遵守禮法不作非違良善正  
直之人神必達之城隍陰加護佑使其家道安和農  
事順序父母妻子保守鄉里如此則鬼神有鑒察之  
明我民無諂諛之祭靈其無私永垂昭格尚享

告祭城隍文某府某縣某鄉某村某里里長某人率


領本里人民某人等聯名謹具狀告於本縣城隍之神今來某等承奉縣官裁旨遵依上司所行為祭祀本鄉無祀神鬼事該欽奉聖旨云云欽奉如此今某等不敢有違欽依於年月日就本里設壇謹備羹飯肴物享祭於本鄉無祀神鬼等衆然幽明異境人力難為必資神力庶得感通今特虔告於神先期分遣諸將徧歷所在招集本里鬼靈等衆至日悉赴壇所受祭神當欽承勅命鎮控壇場鑒察善惡無私昭報

為此謹用狀告本縣城隍之神俯垂昭鑒謹狀

蕙田案觀集禮所載明太祖祭厲及告城隍文知其用意深遠何也其於厲也既憫之憐之又令其聽命於城隍各安其分其於城隍也又分別善惡以區處之憫之仁也區處之義也其於府州縣也不特憫之區處之反令伺察生人之善惡以告於神是併有所用之俾聞之者知虛冥之中昭佈森列赫然有

以動其謹畏之心舉一小祀而規模條理精密如此祀典之所係豈不鉅哉

右歷代祭厲



五禮通考卷一百二十七